

「國家社會科學基金重大項目」

何建明 主編

中國地方志  
佛道教文獻匯纂

人物卷

( 128 )



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志  
佛教文獻匯纂

人物卷

（128）



國家圖書館出版社

中國地方志佛道教文獻匯纂·人物卷

陝西省 西安市

# 藍田縣志

清·高昱修 王開沃纂

馬學賜續修 王芾續纂

清嘉慶元年（一七九六）刻本

藍田縣志卷之十五

知縣高昱重修

鎮洋王開沃纂

雜記上

氏釋

寫經僧文方四譜悟真谷中有古寺相傳昔有高僧

姓里氏居

皆可不駐錫於此寫涅槃經羣鶴自空中含水以添硯六時

來往不絕

白香山悟真寺詩有云往有寫經僧身靜心精專感彼雲外鶴羣飛千翩翩來添硯中水去吸

岩底泉一日三往役時節長不憊

楊難長慶集題悟真寺略云經成號聖僧即寫經僧弟子名楊

難誦此蓮花偈數滿百億千身壞口不壞舌根如紅蓮願

骨今不見石函尚存焉

按張讀宣室志貞觀中玉潤山悟真寺僧夜於藍溪忽

聞有誦法華經者聲自地中發以標表其所明日窮表

下得一顱骨在積壤中其骨稿然獨唇吻與舌鮮潤遂以石函置於千佛殿下自是役每夕嘗有誦經聲在石函內長安士女來觀者千數久之新羅僧竊石函去據此則誦經顱骨其生前卽香山詩所稱楊難者是也以視夫口中作旃檀香舌上生鉢羅華者更足異矣

僧和法苑珠林藍田王效寺僧也鄉俗所推敬奉比聖嘗有人欲害和夜往其房見門內猛火騰焰昇帳遂卽追悔和性潔無染人惑弄之密以羊骨水洗令飲和初不知飲便嘔吐其冥感潛識若此

淨業法苑珠林悟真寺道場釋淨業漢東隨人精研律部博綜異聞確乎內湛令譽外馳旣感舍利之異又嘗乘船入水爲魚授戒魚皆回頭遶船如有聽受都無有懼大業

十二年二月卒於本寺

法誠唐高僧傳終南山悟真寺僧也俗姓樊氏雍州萬年縣人幼小出家止藍田王效寺事沙門僧和爲師奉佩訓勗常誦法華夢感普賢勸書大教旣寤卽重觀工匠令書八部般若香臺寶軸莊嚴成就又於寺南橫嶺造華嚴堂鑿山煙壑列棟連甍前對重巒右臨斜谷吐納雲煙宏文館學士張孝靜善書翰誠請寫藏經齋潔勤奉感應靈禽異獸馴擾精廬又青泥坊側有古佛龕周氏瘞藏今猶未出誠夜夢其處大有尊形旣寤往開恰獲龕像貞觀十四年忽口光燭極奄然而化

歸真高僧傳藍田悟真寺僧也秦嶺有竹林寺貞觀初採蜜入山行聞有鐘聲尋而往至焉寺舍二間傍大竹林其

人斷二節竹以盛蜜可得五升許兩人負至成所具告防  
人以竹狀成主利其大竹遂往伐取過小竹谷達於崖下  
將上有二大虎踞崖巔大吼驚怖而返歸真少小山棲聞  
之便往至小竹谷望崖失路而歸常以爲言又云竹林至  
秦嶺關可五十許里

空藏高僧傳貞觀中住京師會昌寺說化爲業遊歷川原  
有緣斯赴昔往藍田負兒山所負兒本作鳳兒又作誦經

賣麵六斗擬爲月糧乃經三周日噉二升猶不得盡又感  
神鼎不知何來至貞觀十六年終於會昌還葬山所

義福舊唐書銅鞮人本姓姜初止藍田感化寺處方丈之  
室二十餘年後隸京城慈恩寺

神湊豫章書藍田人具戒於南岳希操叅禪於鐘陵大寂

大歷八年詔配江州興果寺移隸東林寺元和十二年卒  
師住東林一盂齋一榻居衣麻寢管檀施來無虛月盡歸  
寺藏禮佛四十九年凡十二時未嘗闕一

宏藏法苑珠林九空仙寺仙人所居也山有九窟在藍田  
大谷伏義城側歸義寺僧宏藏者有膽勇聞而往尋積日  
累夜巡繞山隙止獲五窟甚圓淨如人所造無缺漏似有  
居者又光明寺了禪師亦往尋覓依窟而居卽今之照陽  
窟也足爲華望之大觀而仙寺終不見焉

藍溪僧全唐詩嘗爲藍田元居士說維摩經孟東野曾往  
聽之而記以詩

安泉上人賈浪仙集藍田僧也島嘗贈詩有洗足下藍嶺  
古師精進同之句

道王順歷世真仙體道通鑑順採藥於終南山得道故終南

有王順峯靈應昭彰至今不絕舊志卽縣之東南山歲

早禱雨輒應相傳虞舜南巡不返娥皇女英望舜於此故

又名望舜山王望順舜音混字譌遂致流俗謬悠之說不足信也

劉雄鳴雄舊志誤作福魏略曰藍田人少以採藥射獵爲事常居

覆車山每晨夜出行雲霧中識其道不迷時人因謂之能

爲雲霧

王嘉晉書字子年隴西安陽人也輕舉止醜形貌外若不

足而聰慧內明滑稽好語笑不食五穀不衣美麗清虛服

氣不與世人交遊弟子受業者數百人石季龍之末遷于

倒獸山岐虎曰獸避唐諱也山在縣東覆車山北亦名倒豹山苻堅累徵不超好尙

之士無不師宗之後以負債爲姚萇所殺死之日有人於

隴上見之。〔十六國春秋〕王嘉隱於東陽谷，門人數百石。季龍兵亂，棄其徒衆，潛匿終南。門人復隨之，乃還於倒虎山。〔法苑珠林〕倒豹谷，去嘉美谷甚近。卽姚秦時，王子年所居。〔真仙通鑑〕嘉御六炁，守三一，冬夏不改其服。後趙之末，潛于倒虎山，爲世師。宗或問當世之事，隨問而對，好爲譬喻，如調戲者。言未然之事，辭如識記。當時莫能曉過，皆有驗候之。至心則見，不至心則隱形，不見衣服在架，履杖猶存。或欲取其衣者，終不及企而取。衣架愈高，而屋亦不大。履杖諸物亦然。秦苻堅大舉南寇，以苻融爲大將軍，遣人問嘉。嘉曰：金剛火強，仍乘使者馬。正衣冠，徐徐東行數百步，而策馬馳反脫衣服，棄冠履而歸。下馬踞牀，而不言。堅又不解，更遣人問。世祚如何。嘉曰：未央。堅欣然以爲。

吉徵明年癸未堅大敗於壽春遂亡秦國是殃在未年也以秦居西爲金晉都南爲火火能鑠金也嘉尋移終南山姚萇與苻登相持問嘉曰吾將殺登定天下否嘉曰略得之萇大怒曰得當云得何略之有遂斬之及二弟子萇先使人隴右逢嘉將二弟子已千餘里正是誅嘉日也嘉使書與萇萇令發嘉及二子棺並無尸各有竹杖一枚萇尋亡

爲慘

楊升菴丹鉛總錄王嘉學道於藍田側虎谷著拾遺記其書全無憑証直謂空虛至謂少昊母有桑中之行尤

王向仙史杜陵人生而特稟奇操日望終南高峯謂父母曰兒長大必居此山以求出世鄉黨異之旣冠舉進士不第退居南山石門谷以坐忘返照爲事累年仙人孟生降受三一五千之道能變化飛行分形散影開元末明皇聞

之遣使訪求竟不能得嘗與其友鄭爽言已爲太一仙人矣

李筌長安志藍田縣西北一十五里有咽瓠泉唐李筌於

此遇驪山老母說陰符經令筌撈瓠就泉汲水其泉因以

得名神仙感遇傳李筌號達觀子居少室山好神仙之

道嘗歷名山博採方術至嵩山虎口岩得黃帝陰符經素

書朱漆玉緘以玉匣題曰大魏太平真君二年七月七日

上清道上寇謙之藏諸名山用傳同好其本糜爛筌抄讀

數千遍竟不曉其義理因入秦至藍田山下寰宇記在昭應縣東南二

里括地志曰其北阜即驪山下逢一老姥髻髻當頂餘髮半垂縵衣扶杖

狀貌甚異路旁見遺火燒樹因此言曰火生於木禍發必

剋筌驚而問之曰此黃帝陰符經老姥何得而言之姥曰

吾授此經已三元六周甲子矣少年從何而得之筌稽首  
再拜具告所得姥曰少年顙骨貫於生門命門齊於日角  
血腦未減心影不枯德賢而好法神勇而樂智真吾弟子  
也然四十五當有大厄因出丹書符一道貫於杖端令筌  
跪而受之姥於是坐于石上與筌說陰符之義曰陰符凡  
三百言一百言演道一百言演法一百言演術上有神仙  
抱一之道中有富國安民之法下有強兵戰勝之術皆內  
出心機外合人事觀其精微黃庭八景不足以爲元察其  
至要經傳子史不足以爲文任其巧智孫吳韓白不足以  
爲奇非有道之士不可使聞之故至人用之得其道賢人  
用之得其法正人用之得其術識分不同也如傳同好心  
清齋而授之有本者爲師無本者爲弟子也不得以富貴

爲重貧賤爲輕違者尊紀二十本命日誦七遍益心機加  
 年壽每年七月七日寫一本藏於名山石岩中得加算外  
 之姥曰日已晡矣吾有麥飯相與爲食袖中出一瓢令筌  
 谷中取水既滿矣瓢忽重百餘觔力不能制而沈於泉及  
 還已失姥所在但留麥飯數升而已筌食之自此絕粒唐  
 元宗開元中爲江陵節度副使御史中丞筌有將略作太  
 白陰經十卷又著中台志十卷（道藏潤字面）有黃帝陰符  
 姥所授陰符（秘術又書錄解題云新安朱安國在陰時爲  
 符元機一卷此書本出於李筌云得於驪山老姥）時爲  
 李林甫所排位不顯竟入名山訪道後不知所之也（雲  
 溪友議唐李筌爲鄧州刺史常夜占星宿而坐一夕三更  
 東南隅忽見異氣明且呼吏於郊市如產男女者不以貧  
 富悉取至焉過十餘輩筌視之曰皆凡骨也於村落搜訪

之乃得牧羊胡婦一子李君憐容曰此假天子也座客勸殺之筌以爲不可曰胡雛必爲國盜古亦有然殺假恐生

真矣蓋筌嘗遊京兆入藍田谷遇仙媼得傳異術故首知

之然不可禳也

按金石記有宋初袁正已正書陰符經前有李筌遇驪山老母圖像翟守素繪

韓湘仙史字清夫

新唐書字北渚

韓文公愈之猶子也

韓志云湘墓

祖諱介生二子百川老成未仕而死有二子曰湘曰海乃文公從孫也唐宰相世系表湘登長慶三年第官大理丞

落魄不羈文公勉之學湘曰湘之所學非公所知公令

作詩以觀其志湘詩有解造逡巡酒能開頃刻花之句公

覽而戲之曰子能奪造化耶湘曰此甚易事公爲開樽湘

取土以盆覆之良久花開乃碧花二朶似牡丹差大顏色

豔麗於花間擁出金字一聯曰雲橫秦嶺家何在雪擁藍

關馬不前公未曉其意湘曰事久可驗遂告去未幾公以

佛骨事謫官潮州一日途中遇雪俄有一人冒雪而來乃

湘也湘曰憶花上之句乎正今日事也公詢其地卽藍關

也嗟歎久之曰吾爲汝足此詩末云知汝遠來應有意好

收吾骨瘴江邊

方世舉昌黎詩集箋注文公作女挈塘銘云愈黜之潮州既行有司以罪人家不可

留京師道遣之

此詩喜湘遠來蓋其時倉卒家室不及從

而湘時遠及公於藍田關故公以將來歸骨委之六湘耳

後人遂附會遂與湘宿藍關傳舍方信此道之下詆及湘

辭去公留之不可乃爲別詩相贈答湘又謂公曰公往瘴

毒之鄉難於保育乃出藥一瓢曰服一粒可以禦瘴毒公

謂湘曰吾實慮不脫死魂游海外一思至此不覺垂淚吾

不敢復希富貴但得生入鬼門關足矣湘曰公不久卽西

不惟全家無恙行當復顯於朝公曰此後復有相見之期

乎湘曰前約未可知也後皆如其說焉

按公集有曾江口示姪孫湘詩二首

而賈恨僧寄韓湘詩又有過嶺行多少潮州漲滿川花開  
南去後水東北歸前云云然則湘因隨公至貶所久而後  
歸思俗說荒唐不待言可見矣

西陽雜俎韓愈侍郎有疎從子姪自  
江淮來年甚少韓令學院中伴子弟子弟悉爲凌辱韓知  
之遂爲街西假僧院令讀書經旬寺主綱復訴其狂率韓  
遂令歸且責曰市肆錢類營衣食尙有一事長處汝所爲  
如此竟作何物姪拜謝徐曰某有一藝恨叔不知因指階  
下牡丹曰叔要此花青紫黃白惟命也韓大奇之遂給所  
需試之乃豎箔曲尺遮牡丹叢不令人窺掘窠四面深及  
其根寬容人座惟賣紫鑽輕粉朱紅旦暮治其根凡七日  
乃填坑曰其叔曰恨校遲一月時冬初也牡丹本紫及花  
發色白紅歷碌每一朵有一聯詩字色紫分明乃是韓謫  
官時詩一韻曰雲橫秦嶺家何在雪擁藍關馬不前韓大